

Potvrda


Pročitajte slijedeću priču u svojoj grupi. Podvucite bilo koje riječi koje su nove ili teške za vas.

Jednog jutra Chishimba se uputi na tržnicu da kupi ribu za majku. Danima je razmišljao kako da zaradi novac za školu. Razmišljao je da uzgoji ljetinu koju bi prodao, ali sezona sijanja je bila završena. Razmišljao je da proda drveni ugalj uz cestu, ali mnogi ljudi to rade. «Pokušaj raditi nešto što niko drugi ne radi,» sjeti se Rose-inih riječi.

Kad je stigao na tezgu gospođe Musole da kupi ribu, saznao je da ona nije tu. «Otišla je u grad da kupi ribu,» reče mu žena za susjednom tezgom. «Ona odlazi dva puta sedmično.» Chishimba je znao da i gospodin Chiyesu također ponekad odlazi u grad da kupi dijelove za kola.

To mu je dalo ideju. «Možda bi mogao ponuditi ljudima da idem umjesto njih u grad,» pomisli u sebi, «i da donesem stvari koje im trebaju. Ostajući tad da rade, ne bi gubili novac.»

Te se noći Chishimba posavjetovao sa svojim roditeljima i njima se svidjela ideja. Narednog jutra vratio se na tržnicu i razgovarao sa gospođom Musole i gospodinom Chiyesu. «Ako mi oboje date novac koji biste inače utrošili na autobusku kartu, pola ću upotrijebiti da odem u grad i donesem šta vam treba. Drugu polovinu štedit ću za školu.» Oboje se složilo da je vrijedno pokušati i tražili su da se vrati za dva dana. «Ako ova ideja upali,» reče gosp. Chiyesu, «tad si sebi pronašao posao!»



Na putu kući da roditeljima kaže dobre vijesti, Chishimba se zaustavi da vidi Godwina i njegovu porodicu. Željan je da podijeli svoj plan sa njima. Nakon što je saslušala njegovu priču, gospođa

Mulenga reče Chishimbi još dobrih vijesti. Objasnila je da je gospodin Mulenga morao otići u Kawbe prethodnog dana i da je razgovarao sa njenim rođakom. On je rekao da je Chishimba dobrodošao da bude kod njega i njegove porodice, udaljene oko jedan kilometar od škole. «U zamjenu za obroke i mjesto za spavanje,» reče, «možeš im pomoći u njihovim poljima.»

«To je izvrsno!» reče Chishimba. «Hvala vam gospodo Mulenga.»

«Chishimba,» reče gospodin Mulenga, «izgleda da ćeš uskoro zarađivati novac. Moraš se pobrinuti da ga štediš za školu, iako će ti se to ponekad učiniti teškim. Nemoj pasti u iskušenje da ga potrošiš na nevažne male stvari.»

«Ne brinite gospodine Mulenga», odgovori Chishimba sa radosnim osmijehom. «Obećavam da neću dopustiti da se to dogodi.» Dok je mahao, opraštajući se i polazeći na put, pogledao je Rose i Musondu i rekao «Vrata se otvaraju!»



VJEŽBA 1

Podijelite se u parove i mijenjajte se dok čitate priču sa svojim partnerom.

VJEŽBA 2

Diskutujte o slijedećim pitanjima u svojoj grupi. Zapišite odgovore dok radite.

1. O čemu je Chishimba razmišljao proteklih nekoliko dana? _____

2. Zašto je odlučio da ne zasadi ljetinu za prodaju? _____

3. Zašto je odlučio da ne proda drveni ugalj uz cestu? _____

4. Zašto Chishimba odlazi na tržnicu? _____

5. Gdje je gospoda Musole? _____
6. Koju ideju ima Chishimba kako da zaradi novac? _____

7. Šta je Chishimba učinio nakon što se posavjetovao sa roditeljima? _____

8. Ako i gosp. Chiyesu i gđa. Musole Chishimbi daju novac za svoju autobusku kartu, koliko će uštedjeti svaki put kad ode u grad? _____
9. Da li se gosp. Chiyesu i gđi. Musole sviđa Chishimbina ideja? _____

10. S kim Chishimba dijeli svoj plan na putu kući? _____

11. Koje dobre vijesti gđa. Mulenga ima za Chishimbu? _____

12. Šta će Chishimba morati raditi u zamjenu za mjesto boravka u Kawbe-u? _____

13. Šta je Chishimba rekao Rose i Musondi kad je odlazio? _____

VJEŽBA 3

Sada pročitajte vježbe ispod i za svaku zaokružite odgovor.

1. Ako je nešto «vrijedno pokušati» znači da
 - a) košta mnogo.
 - b) je beskorisno pokušati.
 - c) je dobra stvar pokušati.

2. Dok Chishimba odlazi kaže «Vrata se otvaraju.» To znači da
 - a) stvari koje pokušava daju rezultate.
 - b) spreman je da uđe u kuću.
 - c) neko mu drži vrata otvorena.

VJEŽBA 4

Napravite rečenice sa svakom od riječi ispod.

posavjetovati zaradi vratio u iskušenju obećala
zamjenu se slažeš dobrodošao obično uštedimo

VJEŽBA 5

Sada popunite svaku od ponuđenih rečenica koristeći neku od riječi iz vježbe 4

1. _____ je olovku koju sam mu posudio.
2. Molim te ugasi svjetlo kad izađeš iz sobe da _____ struju.
3. U _____ za vreću kukuruza, daću ti dva pileta.
4. _____ je da će doći ranije i pomoći mi da se pripremim za sastanak.
5. Moj otac kaže da će ako _____ dovoljno novca ove godine, kupiti novi traktor.
6. _____ čitam prije nego odem na spavanje.
7. Ako _____ da posušiš suđe, ja ću ga oprati.
8. Bio je _____ da odustane, ali nastavio je dalje.
9. _____ si da nam se pridružiš na večeri.
10. Volio bi se sa vama _____ u vezi moje budućnosti.

VJEŽBA 6

Napišite dvije, tri rečenice o tome šta ste pročitali u ovoj lekciji.

VJEŽBA 7

Zapamtite slijedeći citat nakon što prodiskutujete s prijateljima o pitanjima navedenim ispod:

« . . učinite veliki napor i izaberite za sebe plemenit cilj.»

1. Koje ciljeve trebamo izabrati?
2. Koliko napora trebamo učiniti da bismo ih dostigli?